

«Bal-Aiut» бөбекжай-бақшасы



Армысың, әз-Наурыз

Тобы: «Балдырған»

Тәрбиешілер: Ергашова Г

Қайранова С



2024-2025 оқу жылы

Жүргізуші: Армысыздар, ата-аналар, қонақтар! Бәріміздің асыға күткен Наурыз тойымыз да келіп жетті. Тойларыңыз құтты болсын! Наурыз – «жаңа күн» деген сөз. Бұл күн – біздің ата-бабаларымыз, арғы тегіміз мыңдаған жылдардан бері тойлап келе жатқан жыл басы мерекесі. Наурыз тойымыз құтты болсын! Ұлыстың ұлы күні деп аталған Наурызда денсаулықтарыңыз мықты, тілектеріңіз қабыл болсын!

Осы көктемнің мерекесіне арналған әнімізді шырқап берейік

Ән «Наурыз көктем»

Жүргізуші: Балалар біздер Ұлыстың Ұлы күні ақ бата алып, шашу шашатын кім екенін білесіңдер ме!

Балалар: Қыдыр Ата! Наурыз Әже!

Жүргізуші: Ендеше ортаға ақ батасын беруге Қыдыр атамызды шашуын шашуға Наурыз әжемізді шақырайық!

ҚЫДЫР АТА: Сұрасаң бата берейін,

Үстем болсын мерейің
Ықыласпен қол жайсаң,
Ақ тілекті төгейін
Ұлыс оң болсын
Ақ мол болсын
Қайда барсаң жол болсын!
Ұлыс бақты болсын,
Төрт түлік ақты болсын!

Әумин!

Наурыз Әже:

"Наурыз келсе, құт келгені, халайық!"

Есік ашып, шашу шашып,

Ел боп қарсы алайық (отырған қонақтарға шашу шашу)

Жүргізуші: Қыдыр ата! Наурыз Әже! Ортаға жайғасыңдар бүгін біздің ауылда үлкен той болғалы жатыр бізбен бірге тойлатыңыздар!

(Ортаға барып отырады)

Тәрбиеші: Балалар, көктем келді! Көктем келсе айнала төңірекке жан кіреді. Алыс жақтан құстар ұшып келеді, қысқы ұйқысынан аңдар оянады. Табиғат жаңарып, гүлденеді. Әр халықта көктем мерекесі әртүрлі тойланады. Балалар бұл мереке қалай аталады?

Балалар : Наурыз.

Тәрбиеші: Бақта құстар сайрайды.

Жайнап көктем нұрымен.

Жаңа дәстүр жырымен.

Ел наурызды тойлайды.

Ендігі кезекті балалардың наурызға арналған тақпақтарына береміз.

Альтайыр

Айналаңнан жаңа көктем лебі ескен,

Бұл кезеңде күн менен түн теңескен.
Сан ғасырлық ата-баба салтына
Көпір болған Наурыз өзің емес пе ең?!
Асылым

Болмасын тек Арудың қабағы мұң,
Жалыны байқалсыншы жанарының.
Мынау Дала сілкінер шағы туды,
Наурыз келіп қалыпты - Жаңа жылың!
Асқаржомарт

Таудан құлап төгіліп, саулап қырдан
Жып-жылы леп жаңартып таңды аттырған
Алты ай қыс арқасына батқан ерден
Тіршілік босанып, бір аунап тұрған
Мадина
Біреуім екеу болып, мал қосылды,
Қорама жүз-жүз лақ, қозы толды.
Ызғарлы, қыс-зымыстан, суық кетіп,
Аспаннан күн күлімдеп, шырай [қонды] енді.
Муса

Мерекеміз Наурыз –
Халық күткен бақ-ырыс.
Адамдардың аңсары,
Бір-біріне сағыныш.

Тәрбиеші: Наурыз мейрамы – өте ерте заманнан бері тойланып келе жатқан тұрмыстық мереке. Ол парсының «Наурыз» жаңа күн деген сөзінен шыққан. Бұл жөнінде халқымыздың кемеңгер ұлдары Абай, Шәкәрім, Мұхтар Әуезов, Ахмет Байтұрсынов біршама деректер жинаған, күн мен түн теңелген, мал төлдеп, адамның аузы аққа тиген, жер бұсанып, малдың аузы көкке тиген ырыстың басын қазақ елі «Ұлыстың ұлы күні» деп атаған.

Тәрбиеші: Наурыз жырын жырлаймыз,
Осыменде тұрмаймыз.

Шыңдалып жеткен бұл күнге,
Ел дәстүрін сыйлаймыз. дей келе

Ендігі кезекті қыздарымызды «Құстар» биімен қарсы алыңыздар.

Ойын: «Орамалды қағып ал, сөз жалғасын тауып айт»

1 Ұлыс оң болсын, ...ақ мол болсын.

2. Ұлыс бақты болсын, ...төрт түлік ақты болсын.

Ұлыс береке берсін, ...бәле жала жерге енсін.

Бір тал кессең, ...он тал ек.

5. Атаңнан мал қалғанша, ...тал қалсын.

6. Бұлақ көрсең, ...көзін аш.

Тақпақтар: Медина

Қыс қыр асып кетті аулақ,
Шығады енді көк қаулап.
Наурыз тойы басталды,
Жерошақта от лаулап.

Думан

Елден ырыс кетпесін!
Ешкім уайым шекпесін.
Араздасқан ағайын,
Ұмытсын реніш, өкпесін.

Айсәуле

Күлімдеді көкте күн.
Тез өссін деп еккенім.
Арық салдым әкемнің
Қолыма алып кетпенін.

Мұхаммеджан

Қылаусыз кешегі қар жүзін,
Айғыздап соңымда қалды ізім.
Тым ыстық көктемім жаныма,
Тыныштық әкелсін Наурызым.

Кәусар

Наурыз айы – жыл басы,
Тұнып тұрған береке,
Ай туғанда жылда осы,
Біздің елде мереке.

Мұстафа

Білсең шіркін сезіне,
Наурыздағы күн қандай!
Табиғаттың өзі де,
Той өткізіп тұрғандай...

Тәрбиеші: Айта берсек таусылмас,
Мереке де ән жырымыз,
Кел, одан да халайық,
Ойын ойнайық жаңа бір.

Ойын: «Күш сынаспақ» Шарты: Бұл ойын стол үстінде екі баланың білек сынасуымен орындалады. 2 бала шынтақтарын столға тірек қол бастарын айқастырады. Кім білекті столға жықса сол бала жеңіске жетеді. Ағаш аттың үстінде аттың басын ұстап тұрып 2-ші қашан білектен тартысып сынасуға да болады. Бірақ баланың қауіпсіздігі қатаң бақыланады.

«Бүркіт» ойыны

Бұл ойында икемді, оралымды бала жеңіске жетеді. Себебі, бала жүресіне отырып, екі қолын қанатша жайып, еңкейіп жердегі тақияны аузымен іліп алу.

Тәрбиеші: Әнім де,саған биім де.

Құт қонақ өзің үйімде.

Қуаныш сыйлап еліме.

Күлімде,наурыз күлімде.

Тәрбиеші: Ұлдарымыздың орындауында «Батырлар» биі.

Ойын: 1.«Жаяу тартыс» ойыны

Бұл ойынға бойы жағынан шамалас екі бала қатысады. Екеуі бір-біріне арқасын беріп түзу

сызықтың екі жағына тұрады. Екі ұшын байлаған арқанды түйінін ортасына келтіріп екі ойыншы да иық арқылы қолтықтың астынан өткізіп алады

Бір, екі, үш...

«Үш» дегенде екі ойыншы да арқанды өз жағына тартады. Қарсыласын сызықтан асырғанша тартқан ойыншы жеңеді.

2. «Тауық күрес» ойыны.

Балалар екі топқа бөлінеді.Осы екі топтан екі бала шығып ,кәдімгідей күреседі.Оның ең қызығыда,басқаша күрестен айырмасы да –тек жалғыз аяғымен ақсаңдай жүріп,иықтарын қағып күресуінде.Бұл күрес балалардың нық басып,орнықты жүруін жетілдіреді.Күрестің 1 аяғн тізесін бүгіп,мата белбеуін байлап тастайды.Қайсысы сүрініп жығылса ,сол ұтылады.

Тәрбиеші: Наурыз күні той думан.

Ортамызды ашайық.

Думандатып би билеп.

Інжу маржан шашайық.

Тақпақ:

Дильфуза

Келді наурыз, гүл-көктем,

Төгіледі нұр көктен.

Наурызды тойлайды ел,

Шаттық толы дүрмекпен.

Әлинұр

Ауылыма көшет тұрғыздым,

Ық болсын деп боранда.

Қасында тұрса жұлдызың

Айда уайым болар ма?

Аяла

Қылтияды қар астынан шөп басы.

Еріген күн Самарқанның көк тасы.

Әз Наурыз құтты болсын мерекең,

Болсын аман әр шаңырақ, отбасы.

Айбархан

Жер жаңарып сұлулықтың лебі есіп,

Күлімдеген Күн менен Ай теңесіп.
Төс қағысып кешіреді бір-бірін,
Кеткен жандар араздасып егесіп.
Әдемі

Әлімсақтан наурыз жылдың басы,
Анық енді Ұлыстың ұмтылмасы.
Әсте түсіп көрген жоқ
Ауылымның,
Айлин

Наурыз келді ауылға нарға мініп,
Қаңқылдап жүр аспанда қарға күліп.
Жадырайды дүние жарқылдайды,
Жақын келіп қалғандай алдағы үміт.
Абдулла

Қарлы боран
Ығысып жер бетінен,
Наурыз келді
Керемет келбетімен.

Бағдәулет
Көктемім — көркем арманым,
махаббат, мөлдір таңдарым.
Наурызым жақса шамдарын,
жайдары, жарқын жан-жағым.

Исмайл
Осы орман тіршілік,
Кеудесін тосты шуаққа,
Сәбидей тәтті тіл шығып,
Еркелік бітті бұлаққа

Тәрбиеші: Ұлы күні ұлыстың,
Құтты болсын халайық.
Күй төгілсін, күй төгілсін.
Шырқап әнге салайық.

Тәрбиеші: Асылым мен Кәусар қыздарымызды «Қамажай» биімен қарсы алыңыздар.

Тәрбиеші: Наурыз құтты болсын,
Дендерііңіз сау мықты болсын.
Әр шаңараққа шаттық толсын.
Көріскенше күн жарқын болсын.
Осымен ертеңілігіміз аяқталды. Ұлыс оң болсын, ақ мол болсын!

